



Na osnovu člana 80. Zakona o visokom obrazovanju u Hercegovačko-neretvanskom kantonu ("Službene novine Hercegovačko-neretvanskog kantona broj: 4/12), člana 146 i 154. Statuta Univerziteta, te odluka Senata Univerziteta broj: 101-1502/22 od 27.5.2022. godine i broj: 101-1503/22 od 27.5.2022. godine uz saglasnost Ministarstva obrazovanja, nauke, kulture i sporta HNK, broj: 05-03-34-1104-1/22 od 3.6.2022. godine, Univerzitet "Džemal Bijedić" u Mostaru, objavljuje

KONKURS

za upis studenata u prvu godinu prvog i drugog ciklusa studija na Univerzitetu "Džemal Bijedić" u Mostaru u akademskoj 2022/2023. godini

1. Konkurs za upis u prvu godinu I ciklusa studija u akademskoj 2022/2023. godini je otvoren do 27. juna 2022. godine.

Konkurs za upis u prvu godinu II ciklusa studija u akademskoj 2022/2023. godini je otvoren do **28. oktobra 2022. godine.**

U prvu godinu studija u akademskoj 2022/2023. godini kandidati se upisuju u skladu sa Planom upisa studenata.

2. Pravo na upis i status studenta dodiplomskog studija (bachelor, I ciklus) na Univerzitet imaju sva lica koja su završila četverogodišnju srednju školu u Bosni i Hercegovini, kao i lica koja su završila četverogodišnju srednju školu u inostranstvu.

Kandidati koji su srednju školu završili u inostranstvu, uz prijavu na konkurs, podnose obrazovne isprave i rješenje o ekvivalenciji, odnosno nostrifikaciji, a ako je postupak u toku, dostavljaju dokaz o podnesenom zahtjevu.

Univerzitet će osigurati pristup studiju stranim državljanima i licima bez državljanstva u skladu s načelima evropskog sistema visokog obrazovanja, osiguravajući im studij pod istim uvjetima kao i državljanima Bosne i Hercegovine.

3. Pravo upisa na diplomski studij (master, II ciklus) imaju kandidati sa završenim odgovarajućim dodiplomskim studijem koji se vrednuje sa najmanje 180 (3+2) ECTS odnosno 240 (4+1) ECTS studijskih bodova, te kandidati sa završenim četverogodišnjim studijem po predbolonjskom sistemu studiranja, što se bliže definiše studijskim programom.

Kandidati za upis na diplomski studij, u pravilu, moraju imati najmanju prosječnu ocjenu 7,5 (C+) ostvarenu na dodiplomskom studiju, a ukoliko nisu ostvarili traženu prosječnu ocjenu, potrebno je da dostave dvije preporuke nastavnika, koji su im bili predmetni nastavnici na dodiplomskom studiju.

Kandidati koji ispunjavaju uslove iz stava (1) ovog člana imaju pravo upisa na studijski program koji je srodan završenom dodiplomskom studiju, uz polaganje jednog ili više diferencijalnih ispita i pod uslovima koje utvrđuje naučno-nastavno vijeće fakulteta/univerzitetskog studija, koji realizuje studijski program diplomskog studija.

Strani državljani i osobe bez državljanstva imaju pravo upisa na studij pod jednakim uslovima kao i državljani BiH.

4. Za prijavu na Konkurs za upis u prvu godinu studija kandidat je dužan predati sljedeće dokumente:

a) prvi ciklus (dodiplomski studij)

- Zahtjev za upis u kome je tačno naznačen odsjek odnosno studijski program na koji konkuriše;
- Originalna svjedočanstva o završenim razredima srednje škole i originalnu diplomu o završenoj srednjoj školi u Bosni i Hercegovini u četverogodišnjem trajanju odnosno odgovarajuća nostrificirana dokumenta za

kandidate koji srednju školu nisu završili u Bosni i Hercegovini (ukoliko su dokumenti u postupku nostrifikacije prilaže se dokaz o podnesenom zahtjevu za nostrifikaciju);

- Izvod iz matične knjige rođenih (original ili ovjerena kopija originala);
- Uvjerenje o državljanstvu (original ne starije od 6 mjeseci) i
- Druge dokumente relevantne za utvrđivanje broja bodova po kriterijima.

b) drugi ciklus (diplomski/master studij)

- Zahtjev za upis u kome je tačno naznačen smjer na koji konkuriše;
- Diploma ili uvjerenje o završenom prvom ciklusu studija iz odgovarajuće oblasti, odnosno odgovarajuća nostrificirana dokumenta;
- Uvjerenje o položenim ispitima ili dodatak diplomi (original);
- Izvod iz matične knjige rođenih (original ili ovjerena kopija originala);
- Uvjerenje o državljanstvu (original ne starije od 6 mjeseci) i
- Drugi dokumenti u skladu sa Pravilima studiranja na II ciklusu studiju na Univerzitetu "Džemal Bijedić" u Mostaru, objavljenim na web stranici Univerziteta.

Kandidati koji su studije završili u inostranstvu uz prijavu na konkurs podnose obrazovne isprave i rješenje o ekvivalenciji, odnosno nostrifikaciji, a ako je postupak nostrifikacije u toku dostavljaju dokaz o podnesenom zahtjevu. Pravo na upis kandidat stiže nakon donošenja rješenja o nostrifikaciji.

Nepotpune i neblagovremeno podnesene prijave neće se uzimati u razmatranje.

5. Prijemni ispit, na organizacionim jednicama/univerzitetskim studijima na kojima se polaže, obaviti će se prema terminu, rasporedu i satnici koje će utvrditi organizacione jedinice/univerzitetski studiji pojedinačno, i oglasiti na svojim oglasnim pločama i web stranicama uz detaljne informacije o istom.

6. Kriteriji i mjerila za utvrđivanje redosljeda za prijem kandidata za upis u prvu godinu prvog ciklusa studija na organizacione jedinice/univerzitetske studije Univerziteta "Džemal Bijedić" u Mostaru će biti objavljeni na oglasnim pločama i web stranicama organizacionih jedinica/univerzitetskih studija. Rang listu svih kandidata i spisak primljenih kandidata organizacione jedinice/univerzitetski studiji će objaviti na oglasnoj ploči i web stranici nakon što ista bude verifikovana.

7. Na objavljenu rang listu kandidati mogu uložiti pismeni prigovor Naučno-nastavnom vijeću organizacione jedinice/univerzitetskog studija u roku od 3 dana od dana objavljivanja iste. Naučno-nastavno vijeće organizacione jedinice/univerzitetskog studija je dužno u roku od 3 dana odlučiti o prigovoru i o tom obavijestiti kandidata. Odluka Naučno-nastavnog vijeća je konačna.

8. Organizacione jedinice/univerzitetski studiji će na svojim oglasnim pločama i web stranicama objaviti detaljne informacije o mjestu i vremenu predaje dokumenata na Konkurs.

9. Upis studenata koji budu primljeni na organizacione jedinice/univerzitetske studije obaviti će se nakon oglašavanja konačne rang liste primljenih kandidata.

10. Za upis na visokoškolske ustanove **primljeni kandidati** podnose:

- upisni i prijavni list (ŠV obrazac)
- upisnicu - index
- dvije fotografije
- ljekarsko uvjerenje o zdravstvenom stanju studenta (izdaje ga odgovarajuća zdravstvena ustanova ne starije od 6 mjeseci)
- dokaz o uplati školarine.

Prijave za upis kandidati podnose u studentskim službama fakulteta.

Prijave za upis studenata u prvu godinu prvog ciklusa (dodiplomskog, bachelor) i drugog ciklusa (diplomskog, master) Univerzitetskog studija Dizajn interijera, kao i integrisanog studija Farmacija kandidati podnose u studentsku službu Nastavničkog fakulteta Univerziteta „Džemal Bijedić“ u Mostaru.

Prijave za upis studenata u prvu godinu Univerzitetskog studija Zdravstvena njega kandidati podnose u studentsku službu Agromediteranskog fakulteta Univerziteta „Džemal Bijedić“ u Mostaru.

Prijave za upis studenata u prvu godinu prvog ciklusa (dodiplomskog, bachelor) i drugog ciklusa (diplomskog, master) Studija turizma i studija Poslovna informatika kandidati podnose u studentsku službu Ekonomskog fakulteta Univerziteta „Džemal Bijedić“ u Mostaru.

Broj: 101-1504/22
Mostar, 27.5.2022. godine

**PREDSJEDAVAJUĆA SENATA
UNIVERZITETA „DŽEMAL BIJEDIĆ“ U MOSTARU**

prof. dr. Alena Huseinbegović, rektorica

PLAN UPISA STUDENATA

u prvu godinu studija na organizacione jedinice i univerzitetske studije Univerziteta "Džemal Bijedić" u Mostaru u akademskoj 2022/2023. godini

Agromediteranski fakultet		R	RP	V	DL	U
PLAN	Akademski dodiplomski studij (bachelor, studij I ciklusa)	80		40		120
	Voćarsko-vinogradarski smjer	20		10		30
	Povrtlarsko-cvječarski smjer	20		10		30
	Ekologija i upravljanje okolišem u poljoprivredi	20		10		30
	Hortikulturni inženjering	20		10		30
	Diplomski studij (master, studij II ciklusa)	20		10		30
	Voćarsko-vinogradarski smjer	10		5		15
	Ekologija i upravljanje okolišem u poljoprivredi	10		5		15
	Ukupno	100		50		150

Ekonomski fakultet		R	RP	V	DL	U
PLAN	Akademski dodiplomski studij (bachelor, studij I ciklusa)	50		10		60
	Akademski dodiplomski studij	50		10		60
	Diplomski studij (master, studij II ciklusa)	15	15			30
	Poslovni menadžment	5	5			10
	Menadžment finansija	5	5			10
	Računovodstvo i revizija	5	5			10
	Ukupno	65	15	10		90

Fakultet humanističkih nauka		R	RP	V	DL	U
PLAN	Akademski dodiplomski studij (bachelor, studij I ciklusa)	100		30		130
	Bosanski jezik i književnost	10		5		
	Engleski jezik i književnost	20		5		
	Turski jezik i književnost	20		5		
	Njemački jezik i književnost	20		5		
	Historija	10		5		
	Komunikologija	20		5		
	Diplomski studij (master, studij II ciklusa)	30				30
	Bosanski jezik i književnost	5				
	Engleski jezik i književnost	5				
	Turski jezik i književnost	5				
	Njemački jezik i književnost	5				
	Historija Bosne i Hercegovine	5				
	Komunikologija	5				
	Ukupno	130		30		160

Fakultet informacijskih tehnologija		R	RP	V	DL	U
PLAN	Akademski dodiplomski studij (bachelor, studij I ciklusa)		75	5	230	310
	Softverski inženjering (240 ECTS)		75		180	
	Razvoj softvera (180 ECTS)			5	50	
	Akademski diplomski studij (master, studij II ciklusa)				20	20
	Informacijske tehnologije (60 ECTS)				20	20
	Ukupno		75	5	250	330

Građevinski fakultet		R	RP	V	DL	U
PLAN	Akademski dodiplomski studij (bachelor, studij I ciklusa)	30	10			40
	Građevinarstvo – opći smjer	30	10			40
	Diplomski studij (master, studij II ciklusa)	10	10	10		30
	Odsjek za konstrukcije	10		5		15
	Upravljanje okolišnom infrastrukturom		10	5		15
	Ukupno	40	20	10		70

Mašinski fakultet		R	RP	V	DL	U
PLAN	Akademski dodiplomski studij (bachelor, studij I ciklusa)	90	15	15		120
	Kompjuterski inženjering	30	5	5		40
	Dizajn proizvoda	30	5	5		40
	Energetika	30	5	5		40
	Diplomski studij (master, studij II ciklusa)	45	24	30		99
	Kompjuterski inženjering	15	8	10		33
	Dizajn proizvoda	15	8	10		33
	Obnovljivi izvori energije	15	8	10		33
	Ukupno	135	39	45		219

Nastavnički fakultet		R	RP	V	DL	U
PLAN	Akademski dodiplomski studij (bachelor, studij I ciklusa)	140	70	80		290
	Hemija	20	10	10		40
	Razredna nastava	20	10	10		40
	Sport i zdravlje	20	10	10		40
	Pedagogija	20	10	10		40
	Psihologija i sociologija	20	10	10		40
	Predškolski odgoj	20	10	10		40
	Biologija	20	10	10		40
	Stručni studij iz oblasti sporta			10		10

	Diplomski studij (master, studij II ciklusa)	80	40	50		170
	Hemija	10	5	5		20
	Razredna nastava	10	5	5		20
	Sport i zdravlje	10	5	5		20
	Sociologija	10	5	5		20
	Pedagogija	10	5	5		20
	Psihologija	10	5	5		20
	Biologija	10	5	5		20
	Predškolski odgoj	10	5	5		20
	Stručni studij iz oblasti sporta			10		
	Ukupno	220	110	130		460

Pravni fakultet		R	RP	V	DL	U
PLAN	Akademski dodiplomski studij (bachelor, studij I ciklusa)	20	50	20		90
	Opći smjer	20	10	5		35
	Kriminologija i sigurnosne studije		40	15		55
	Diplomski studij (master, studij II ciklusa)		35	10		45
	Građansko-pravni smjer		15	5		20
	Kriminologija i sigurnosne studije		20	5		25
	Ukupno	20	85	30		125

Univerzitetski studiji		R	RP	V	DL	U
PLAN	Akademski dodiplomski studij (bachelor, studij I ciklusa)	20	140	20	15	195
	Zdravstvena njega	20	50	10		80
	Studij turizma		25	10		35
	Dizajn interijera		20			20
	Poslovna informatika		45		15	60
	Diplomski studij (master, studij II ciklusa)		39	7	7	83
	Poslovna informatika		15		7	22
	Dizajn interijera		14			14
	Studij turizma		10	7		17
	Farmacija (integrisani studij I i II ciklusa)		30			30
	Ukupno	20	209	27	22	278

Fakulteti/ Univerzitetski studiji		R	RP	V	DL	U
PLAN	I ciklus	530	360	220	245	1355
	II ciklus	200	163	117	27	507
	Integrisani studij I i II ciklusa		30			30
	UKUPNO UNMO	730	553	337	272	1892

Legenda

	Planirani broj prijavljenih kandidata
R	Redovni studenti
RP	Redovni uz plaćanje
V	Vanredni studenti
DL	DL (distance learning)
U	Ukupno

** Strani državljani i osobe bez državljanstva imaju pravo upisa na studij pod jednakim uslovima kao i državljani BiH.*

Broj: 101-1502-1/22
Mostar, 27.5.2022. godine

**PREDSJEDAVAJUĆA SENATA
UNIVERZITETA „DŽEMAL BIJEDIĆ“ U MOSTARU**

prof. dr. Alena Huseinbegović, rektorica

Na osnovu člana 72. Statuta Univerziteta „Džemal Bijedić“ u Mostaru, Senat Univerziteta, na 135. sjednici održanoj 27.5.2022. godine, donio je

ODLUKU

o kriterijima i mjerilima za utvrđivanje redoslijeda za prijem kandidata za upis u prvu godinu prvog i drugog ciklusa studija na organizacionim jedinicama i univerzitetskim studijima Univerziteta "Džemal Bijedić" u Mostaru u akademskoj 2022/2023. godini

Član 1.

Ovom Odlukom utvrđuju se kriteriji i mjerila za bodovanje i upis kandidata u prvu godinu prvog i drugog ciklusa studija na organizacione jedinice i univerzitetske studije Univerziteta "Džemal Bijedić" u Mostaru, u akademskoj 2022/2023. godini.

Član 2.

(1) Organizacione jedinice/univerzitetski studiji upisuju planirani broj studenata, a prema kriterijima iz ove Odluke.
(2) Organizacione jedinice/univerzitetski studiji mogu odlučiti da kao način provjere znanja i sposobnosti kandidata za odgovarajući studij uvedu i polaganje prijemnog ispita.

Član 3.

(1) Rangiranje kandidata za upis na prvi ciklus studija vrši se na osnovu ukupnog broja bodova dobijenih prema slijedećim kriterijima:

- a) **OPĆI KRITERIJ** se odnosi na postignuti uspjeh u srednjoškolskom obrazovanju i iznosi najviše 35 bodova.
- b) **POSEBNI KRITERIJ** odnosi se na priznanje stečeno za uspjeh u toku školovanja ili na takmičenjima iz poznavanja naučnih (stručnih) disciplina ili po osnovu vrhunskih rezultata u sportu, a iznosi najviše 10 bodova.
- c) **POJEDINAČNI KRITERIJ** odnosi se na predmete značajne za odgovarajući studij ili prijemni ispit.
 - Pojedinačni kriterij po osnovu predmeta značajnih za odgovarajući studij a koji su utvrđeni odlukama visokoškolskih ustanova i navedeni su u članu 7. ove odluke, vrednuju se sa najviše 15 bodova.
 - Pojedinačni kriterij po osnovu prijemnog ispita na univerzitetskom studiju Zdravstvena njega vrednuje se s najviše 30 bodova.

(2) Bodovanje po osnovu pojedinačnog kriterija može se vršiti samo po jednom osnovu.

Član 4.

Broj bodova po osnovu **općeg kriterija** utvrđuje se tako da se izračuna prosječna ocjena u toku srednjoškolskog obrazovanja (zaokružena na dvije decimale) i množi sa brojem 7.

Član 5.

Po osnovu **posebnog kriterija**, kandidati dobijaju sljedeći broj bodova za osvojeno jedno od prva tri mjesta na međunarodnim, državnim i kantonalnim takmičenjima u poznavanju naučnih (stručnih) disciplina od značaja za studij:
Kantonalno (entitetsko) takmičenje

1. mjesto.....2 boda
2. ili 3. mjesto.....1 bod

Državno takmičenje

1. mjesto.....3 boda
2. ili 3. mjesto.....2 boda

Međunarodno takmičenje

1. mjesto.....5 bodova
2. ili 3. mjesto.....4 boda

Član 6.

(1) Broj bodova po osnovu **pojedinačnog kriterija** utvrđuje se tako da se prosječna ocjena iz 2-4 predmeta značajnih za odgovarajući studij, utvrđeni ovom Odlukom, (zaokružena na dvije decimale) množi sa brojem 3.

(2) Bodovanje rezultata prijemnog ispita na organizacionim jedinicama/univerzitetskim studijima na kojima se polaže prijemni ispit vršit će se u skladu sa ovom Odlukom.

Član 7.

(1) Pravo upisa na **diplomski studij (master, II ciklus)** imaju kandidati sa završenim odgovarajućim dodiplomskim studijem koji se vrednuje sa najmanje 180 (3+2) ECTS odnosno 240 (4+1) ECTS studijskih bodova, te kandidati sa završenim četverogodišnjim studijem po predbolonjskom sistemu studiranja, što se bliže definiše studijskim programom.

(2) Kandidati iz stava (1) ovog člana za upis na diplomski studij, u pravilu, moraju imati najmanju prosječnu ocjenu 7,5 (C+) ostvarenu na dodiplomskom studiju, a ukoliko nisu ostvarili traženu prosječnu ocjenu, potrebno je da dostave dvije preporuke nastavnika, koji su im bili predmetni nastavnici na dodiplomskom studiju.

(3) Kandidati koji ispunjavaju uslove iz stava (1) ovog člana imaju pravo upisa na studijski program na drugom fakultetu/univerzitetskom studiju koji je srodan završenom dodiplomskom studiju, uz polaganje jednog ili više diferencijalnih ispita i pod uslovima koje utvrđuje Naučno-nastavno vijeće fakulteta/univerzitetskog studija, koji realizuju studijski program diplomskog studija.

(4) Strani državljani i osobe bez državljanstva imaju pravo upisa na studij pod jednakim uslovima kao i državljani BiH.

Član 8.

Rangiranje kandidata na organizacionim jedinicama/univerzitetskim studijima vršit će se prema sljedećim kriterijima:

1. AGROMEDITERANSKI FAKULTET

1.1 Akademski dodiplomski studij (bachelor) / I ciklus studija

Opći kriterij - postignuti uspjeh u srednoškolskom obrazovanju.

Predmeti koji se boduju po **pojedinačnim kriterijima** su: **biologija i hemija**.

2. EKONOMSKI FAKULTET

2.1 Akademski dodiplomski studij (bachelor) / I ciklus studija

Opći kriterij - postignuti uspjeh u srednoškolskom obrazovanju.

Predmeti koji se boduju po **pojedinačnim kriterijima** su: **matematika i bosanski/hrvatski/srpski jezik**.

2.2 Akademski diplomski studij (master)/ II ciklus

Pravo prijave na **diplomski studij (master 4+1 sve oblasti) / II ciklus studija Ekonomskog fakulteta** imaju kandidati koji su završili prvi ciklus studija ekonomskog i neekonomskog usmjerenja u trajanju od četiri godine sa ostvarenih 240 ECTS bodova. Za sve prijavljene kandidate održat će se prijemni ispit iz oblasti na koju apliciraju. Prijemni ispit je eliminatoran. Kandidati koji su završili prvi ciklus studija **neekonomskog usmjerenja** nakon položenog prijemnog ispita obavezni su polagati **preduslovni predmet - Menadžerska ekonomija**.

3. FAKULTET HUMANISTIČKIH NAUKA

Ne uslovljava se upis na dodiplomske studijske programe Fakulteta humanističkih nauka.

4. FAKULTET INFORMACIJSKIH TEHNOLOGIJA

4.1 Akademski dodiplomski studij (bachelor) / I ciklus studija

Opći kriterij – postignuti uspjeh u srednoškolskom obrazovanju.

Posebni kriteriji – osvojeno jedno od prvih tri mjesta u sve četiri kategorije na takmičenju u programiranju FIT Coding Challenge, kako slijedi:

- Programerski izazov (1. mjesto – 5 bodova, 2. mjesto – 4 boda, 3. mjesto – 3 boda),
- Programiranje igara (1. mjesto – 5 bodova, 2. mjesto – 4 boda, 3. mjesto – 3 boda),
- Inovacijski izazov i smart living and solutions (1. mjesto – 5 bodova, 2. mjesto – 4 boda, 3. mjesto – 3 boda),
- Cyber Security (1 mjesto – 5 bodova, 2. mjesto – 4 boda, 3. mjesto – 3 boda).

Pojedinačni kriterij - prijemni ispit. Prijemni ispit se organizuje i obavezan je samo za kandidate koji budu aplicirali za in-class način praćenja nastave.

5. GRAĐEVINSKI FAKULTET

5.1 Akademske dodiplomski studij (bachelor) / I ciklus studija

Opći kriterij - postignuti uspjeh u srednjoškolskom obrazovanju.

Posebni kriteriji - nagrade i priznanja stečena za uspjeh u toku školovanja ili na takmičenjima iz naučnih disciplina.

Predmeti koji se boduju po **pojedinačnim kriterijima** su: **matematika i fizika**.

6. MAŠINSKI FAKULTET

6.1 Akademske dodiplomski studij (bachelor) / I ciklus studija

Opći kriterij - postignuti uspjeh u srednjoškolskom obrazovanju.

Posebni kriteriji - nagrade i priznanja stečena za uspjeh u toku školovanja ili na takmičenjima iz naučnih disciplina.

Predmeti koji se boduju po **pojedinačnim kriterijima** za sve studijske programe su: **matematika i fizika**.

6.2 Akademske diplomski studij (master) / II ciklus studija

Rangiranje kandidata se vrši na osnovu prosječne ocjene koju su kandidati ostvarili u toku dodiplomskog studija, odnosno nakon završetka studija po predbolonjskim nastavnim planovima i programima.

7. NASTAVNIČKI FAKULTET

7.1.a HEMIJA - Akademske dodiplomski studij (bachelor) / I ciklus studija

Opći kriterij - postignuti uspjeh u srednjoškolskom obrazovanju.

7.1.b HEMIJA - Akademske diplomski studij (master) / II ciklus studija

Vrednovanje i rangiranje prijavljenih kandidata se vrši na osnovu uspjeha na I ciklusu studija.

7.2.a BIOLOGIJA - Akademske dodiplomski studij (bachelor) / I ciklus studija

Opći kriterij - postignuti uspjeh u srednjoškolskom obrazovanju.

7.2.b BIOLOGIJA - Akademske diplomski studij (master) / II ciklus studija

Vrednovanje i rangiranje prijavljenih kandidata se vrši na osnovu uspjeha na I ciklusu studija.

7.3 PSIHOLOGIJA I SOCIOLOGIJA - Akademske dodiplomski studij (bachelor) / I ciklus studija

Opći kriterij - postignuti uspjeh u srednjoškolskom obrazovanju.

Posebni kriteriji - nagrade i priznanja stečena za uspjeh u toku školovanja ili na takmičenjima iz naučnih disciplina, učešće na domaćim i međunarodnim stručnim i naučnim skupovima, učešće na domaćim i međunarodnim projektima;

Predmeti koji se boduju po **pojedinačnim kriterijima** su: **bosanski/hrvatski/srpski jezik, psihologija i sociologija**.

7.4.a PEDAGOGIJA - Akademske dodiplomski studij (bachelor) / I ciklus studija

Opći kriterij - postignuti uspjeh u srednjoškolskom obrazovanju.

7.4.b PEDAGOGIJA - Akademske diplomski studij (master) / II ciklus studija

Vrednovanje i rangiranje prijavljenih kandidata se vrši na osnovu uspjeha na I ciklusu studija.

7.5.a RAZREDNA NASTAVA - Akademske dodiplomski studij (bachelor) / I ciklus studija

Opći kriterij - postignuti uspjeh u srednjoškolskom obrazovanju.

7.5.b RAZREDNA NASTAVA - Akademske diplomski studij (master) / II ciklus studija

Vrednovanje i rangiranje prijavljenih kandidata se vrši na osnovu uspjeha na I ciklusu studija.

7.6.a. SPORT I ZDRAVLJE - Akademski dodiplomski studij (bachelor) / I ciklus studija

Opći kriterij - postignuti uspjeh u srednjoškolskom obrazovanju.

Pri upisu na I ciklus studija svi kandidati moraju prvo zadovoljiti na provjeri zdravstvenog stanja i znanja iz određenih sportova i utilitarnih vještina. Uspjehu na **prijemnom ispitu** znatno doprinosi uspjeh postignut u srednjoškolskom obrazovanju. Na provjeri motoričkih znanja i sposobnosti kandidati moraju postići određeni minimalan broj bodova tj. preći prijemni prag. Na taj se način pred buduće studente Odsjeka za sport i zdravlje postavljaju tri kriterija od kojih je svaki za sebe eliminacijski.

7.6.b SPORT I ZDRAVLJE - Akademski diplomski studij (master) / II ciklus studija

Vrednovanje i rangiranje prijavljenih kandidata se vrši na osnovu uspjeha na I ciklusu studija.

7.7.a PREDŠKOLSKI ODGOJ - Akademski dodiplomski studij (bachelor) / I ciklus studija -

Opći kriterij - postignuti uspjeh u srednjoškolskom obrazovanju.

7.7.b PREDŠKOLSKI ODGOJ - Akademski diplomski studij (master) / II ciklus studija

Vrednovanje i rangiranje prijavljenih kandidata se vrši na osnovu uspjeha na I ciklusu studija.

7.8.a Stručni studij iz oblasti sporta (I ciklus studija)

Opći kriterij - postignuti uspjeh u srednjoškolskom obrazovanju.

7.8.b Stručni studij iz oblasti sporta (II ciklus studija)

Vrednovanje i rangiranje prijavljenih kandidata se vrši na osnovu uspjeha na I ciklusu studija.

8. PRAVNI FAKULTET

8.1. Akademski dodiplomski studij (bachelor) / I ciklus studija

Opći kriterij - postignuti uspjeh u srednjoškolskom obrazovanju.

Posebni kriteriji - nagrade i priznanja stečena za uspjeh u toku školovanja ili na takmičenjima iz naučnih (stručnih) disciplina ili po osnovu vrhunskih rezultata u sportu.

Predmeti koji se boduju po **pojedinačnim kriterijima** su: **bosanski jezik i historija**.

9. UNIVERZITETSKI STUDIJI

9.1.a POSLOVNA INFORMATIKA - Akademski dodiplomski studij (bachelor) / I ciklus studija

Opći kriterij - postignuti uspjeh u srednjoškolskom obrazovanju.

Posebni kriteriji.

Predmeti koji se boduju po **pojedinačnim kriterijima** su: **matematika i informatika**.

9.1.b POSLOVNA INFORMATIKA - Akademski diplomski studij (master) / II ciklus studija

Pravo prijave na II ciklus studija imaju Bachelori Poslovne informatike sa minimalno ostvarenih 180 ECTS bodova. Svršeni studenti srodnih studijskih programa koji su završili I ciklus studija u trajanju od 3 godine sa ostvarenih 180 ECTS bodova također imaju pravo upisa na ovaj Studij uz obavezno polaganje preduslovnih predmeta po odluci Naučno-nastavnog vijeća studija.

9.2. ZDRAVSTVENA NJEGA - Akademski dodiplomski studij (bachelor) / I ciklus studija

Opći kriterij - postignuti uspjeh u srednjoškolskom obrazovanju i nosi 35 bodova.

Pojedinačni kriterij se odnosi na **prijemni ispit** za redovne studente iz predmeta **biologija i hemija**, koji je obavezan, ali **nije eliminatoran**. Na osnovu urađenog ispita kandidat može ostvariti najviše 30 bodova.

Redovni samofinansirajući studenti i vanredni studenti ne polažu prijemni ispit.

9.3.a DIZAJN INTERIJERA - Akademski dodiplomski studij (bachelor) / I ciklus studija -

Opći kriterij - postignuti uspjeh u srednjoškolskom obrazovanju. U slučaju prijavljenog većeg broja od predložene kvote, rangiranje će se vršiti prema visini prosječne ocjene.

9.3.b POSLOVNA INFORMATIKA - Akademski diplomski studij (master) / II ciklus studija

Pravo prijave imaju kandidati sa završenim odgovarajućim dodiplomskim studijem koji se vrednuje najmanje 240 ECTS bodova, te kandidati sa završenim četverogodišnjim studijem po predbolonjskom sistemu studiranja (uz mogućnost priznavanja predmeta i ECTS bodova, te oslobađa nja polaganja ispita u skladu sa važećim propisima). Svršeni studenti srodnih studijskih programa koji su završili I ciklus studija imaju pravo prijave na uz polaganje jednog ili više diferencijalnih ispita i pod uslovima koje utvrdi Naučno-nastavno vijeće studija.

9.4.a STUDIJ TURIZMA - Akademski dodiplomski studij (bachelor) / I ciklus studija

Opći kriterij - postignuti uspjeh u srednjoškolskom obrazovanju.

Posebni kriteriji.

Predmeti koji se boduju po **pojedinačnim kriterijima** su: **bosanski / hrvatski / srpski jezik i jedan strani jezik.**

9.4.b STUDIJ TURIZMA - Akademski diplomski studij (master) / II ciklus studija

Pravo prijave na II ciklus studija imaju Bachelori Studija turizma sa minimalno ostvarenih 180 ECTS bodova. Svršeni studenti srodnih studijskih programa koji su završili I ciklus studija u trajanju od 3 godine sa ostvarenih 180 ECTS bodova također imaju pravo upisa na ovaj Studij uz obavezno polaganje preduslovnih predmeta po odluci Naučno-nastavnog vijeća studija.

9.5 Integrisani Univerzitetski studij - FARMACIJA

Opći kriterij - postignuti uspjeh u srednjoškolskom obrazovanju.

Pojedinačni kriteriji – prijemni ispit. Prijemni ispit se organizuje samo ukoliko bude prijavljen veći broj studenata od planiranog i izvodi se iz predmeta Biologija i Hemija.

Član 9.

(1) Postupak za provođenje ove Odluke provode komisije koje imenuju naučno-nastavna vijeća fakulteta/univerzitetskih studija.

(2) Komisija je dužna obezbjediti tajnost ispitnog materijala i druge dokumentacije do okončanja prijemnog ispita.

(3) Nakon provedene provjere, komisija je dužna utvrditi rang-listu kandidata i istu istaći na oglasnoj ploči i web stranici fakulteta/univerzitetskog studija, nakon što ih verifikuje Naučno-nastavno vijeće fakulteta/univerzitetskog studija.

(4) Na objavljenu rang listu kandidati mogu uložiti pismeni prigovor Naučno-nastavnom vijeću fakulteta /univerzitetskog studija u roku od 3 dana od dana objavljivanja liste. U slučaju da na objavljenu listu ne bude prigovora, ista se smatra konačnom. Ukoliko na objavljenu rang listu pristignu prigovori kandidata naučno-nastavna vijeća utvrđuju konačnu listu, koju objavljuju na web-stranici i oglasnoj ploči narednog dana od dana usvajanja, sa naznakom rednog broja do kojeg su kandidati stekli pravo upisa.

Član 10.

(1) Studenti koji će se upisati u prvu godinu studija akademske 2022/2023. godine kao i studenti ostalih godina studija će plaćati troškove studija u skladu sa Odlukom Upravnog odbora Univerziteta.

(2) Detaljne informacije o mjestu i vremenu predaje dokumenata za upis, kao i druge relevantne informacije, bit će objavljene na oglasnim pločama i web stranicama fakulteta /univerzitetskih studija.

**PREDSJEDAVAJUĆA SENATA
UNIVERZITETA „DŽEMAL BIJEDIĆ“ U MOSTARU**

Prof.dr. Alena Huseinbegović, rektorica

Dostaviti:

- Senatu
- Organizacionim jedinicama
- Voditeljima univerzitetskih studija
- Službi za pravne, kadrovske i opće poslove
- a/a